

Hej, bracô!

(sł. S. Fikus, muz. K. Guzowski)

Hej, bracô, hej, Kaszëbi!
Nie zabądzta, że czas gòni.
Że niedługò, że za chwilkã
Gwiôzdzka bądze tu!
Gwiôzdzka bądze tu!

Nó, lédze, wszëscë lédze!
Zapamiãtôjta téz, Żëdzë,
że tam w szopie, na tim sanie
Bòzé Dzecã je!
Bòzé Dzecã je!

Në, bracô, në, Kaszëbi!
Wszëscë razã, że jaż szëmi,
na pasterkã ò północë,
na pasterkã biôj!
Na pasterkã biôj!

Hej, mëmkò, hejże, tatkù!
Nie zabądzta nibë czasã,
że za chwilkã, za niedługò
swiãté Gòdë są!
Swiãté Gòdë są!

Wszëscë w zgòdze i razã!
Nie zabądzta nibë czasã,
że to swiãto familiji,
swiãto nasze je!
Swiãto nasze je!

Hej, Gùsce, hejże, Tónkù!
Klarkò, Lénkò, Ankò, Mónkù!
Ò północë, w sami nocë
dzys narodził sã!
Dzys narodził sã!

134

Hej, bra - cò, hej, Ka - szë - bi! Nie za - bą - dzta, że czas gò - ni.
5 że nie - dłu - gò, że za chwil - kã Gwiô - zdka bą - dze tu!
9 Gwiô - zdka bą - dze tu!

Hej, bracô, wszëscë razã!
Dzys we Gwiôzdkã sã spòtkómë
ò północë przë kòscótkù.
Narodził sã Bóg!
Narodził sã Bóg!